

欽定大清會典事例

欽定大清會典事例卷七百四十三

刑部

名例律

徒流遷徙地方三

一。發往伊犁烏魯木齊等處遣犯。如在配安分復能將該處脫逃遣犯拏獲者。除逃遣照例辦理外。其獲犯之遣犯無論當差為奴。不拘年限。准為彼處之民。不准回籍。若為民後。又能拏獲逃人。即准其回籍。其在廠在配年滿為民遣犯。有能拏獲逃遣者。亦准回籍。儻逃犯力壯一人。不能緝拏者。止許添一人幫拏。概不得過二人。

謹案此係係乾隆五十一。新疆烏魯木齊等處
三年。遣

旨定例。

一。新疆烏魯木齊等處

在配遣犯令該管官將每遣犯十名。酌設散遣頭一名。每散遣頭十名。酌設總遣頭一名。即於在配各遣犯內選擇充當。責令管束。並令各總遣頭出具連環保結互保。遇有遣犯脫逃。除主守之兵丁及專管之員弁。仍照例辦理外。即將應管之散遣頭亦照主使之例。一體問擬。總遣頭酌減一等治罪。如散遣頭有脫逃情事。即將應管之總遣頭亦照主守例治罪。儻總遣頭有脫逃情事。即將互保之總遣頭亦各照主守例。

治罪。如其所管遣犯三年內並無一人脫逃滋事者。散遣頭准在該處為民。如散遣頭三年內並無一名脫逃滋事。總遣頭准在該處為民。總遣頭或有事故。即在散遣頭內挑充。該遣頭等如有故意陵虐情事。即嚴行懲治。並將總散遣頭及所管遣犯俱造具花名清冊。報明將軍都統。並送部備覈。謹案此條咸豐元年定 ○一。在京滿洲另戶旗人。於逃走後。甘心下賤受雇傭工。不顧顏面者。即銷除旗檔。發遣黑龍江等處嚴加管束。毋庸派撥當差。轉令得食餉養贍。其逃後訊無

受雇傭工甘心下賤情事者。仍依本例辦理。

謹案

此條係乾隆五十五年邊防

旨定辦

○一。應發黑龍江等處條

例內。如用藥迷人已經得財為從者。閩省不法棍徒引誘偷渡之人包攬過臺中途謀害人未死為從同謀者。應發極邊煙瘴罪人。事發在逃被獲時有拒捕者。夥衆搶去良人子弟强行雞姦之餘犯。問擬發遣者。開窯誘取婦人子女勒賣為從者。俱改發回城喀什噶爾烏什葉爾羌阿克蘇和闐等處。先儘大小伯克酌給為奴。再分給力能管束之回子。俱面刺外遣字樣。如有

不服管教及脫逃被獲者除用藥迷人得財為
從一項係照強盜免死減等仍應正法外其餘
各條人犯俱在配用重枷枷號三月杖一百給
主嚴加管束仍將一年內發到人犯若干現存
若干名於年終咨報軍機處刑部彙開清單具
奏謹案此條乾隆五十六年底原文年終案奏
乾隆六十年改為咨報原文不服管教打死
無論及脫逃被擒即行正法
之處於嘉慶四年奏准改定一應發黑龍江等
處條例內如邪教為從者聽從入西洋教不知
悛改者造妖書妖言傳用惑人不及衆者俱改
發新疆給額魯特為奴強盜免死減等者強盜

已行而不得財傷人為從。及未傷人為首者。贊
馬強盜傷人未得財為從。及未得財又未傷人
為首者。洋盜案內被脅接贊一次者。洋盜案內
接贊二次投首者。老瓜賊內跟隨學習技藝未
同行者。大逆緣坐男犯十六歲以上者。叛逆案
內被脅入夥悔罪投首者。臺灣游民。獵悍兇惡
肆行不法。犯該徒流以上情重者。豫省南陽汝
甯。陳州光州。及安徽潁州府所屬各地方。凡徒
結夥十人以上執持凶器無論曾否傷人者。子
孫犯姦盜致縱容之父母自盡者。觸犯父母充

軍釋回後復行觸犯者察哈爾等處牧丁偷賣牲畜及宰食並作為私產者偷盜為從人犯誣扳良民為財主及頭目者發功臣家為奴人犯伊主不能養贍者俱改發新疆給官兵為奴因搶問擬極邊煙瘴充軍人犯在配在逃復犯搶奪者因搶問擬軍流徒罪在配在逃復犯搶至三次者因搶問擬軍流徒罪釋回後搶至五次者搶奪初犯至八次者免死減軍人犯三次逃走者極邊煙瘴充軍人犯脫逃者人命案內按律不應擬抵如致死三命以上按照致死人數由

極邊煙瘴遞加者。俱改發新疆酌撥種地當差。
殺一家三四命案內。兇犯之子年十六歲以上
者。改發新疆安插。民人謊稱賣身在旗者。謊稱
八旗逃人者。假稱逃人具告行詐者。賣逃買逃
者。無主認領逃人入官給兵丁為奴。再逃至三
次者。旗下家人謊稱民人。賣身逃走已至三次
者。旗下家人三次逃走者。旗下家奴喫酒行兇
者。旗下家奴犯兇惡棍徒者。旗下家奴偷竊進
倉米石者。旗下家奴用銅鐵錫鉛藥煮偽造假
銀者。隨圍奴僕逃走投回。伊主不願領回者。遣

犯殺死伊主案內之該犯妻妾及子孫年未及
歲。民人殺死奴僕非死罪三人者。經紀鋪戶
人等攬和私錢行使。及收買翦邊錢攬和貨賣
數至十千以上者。俱改發各省駐防給官員兵
丁為奴。仍由兵部覈計該犯原籍及犯事地方
道里。俱在四千里以外駐防省分。均勻酌發聚
衆十人以上。帶有軍器。興販私鹽。拒捕傷一人
為從下手。及拒捕不曾傷人為首者。回空糧船
夾帶私鹽。闖關拒捕案內下手傷人為從
及拒捕不傷人為首者。盜期親尊長未殯未埋

屍柩開棺見屍者。發掘期親尊長墳冢見棺槨為首及發掘期功總麻尊長墳冢開棺見屍為從者。未傷人之盜首聞拏投首者。窩家盜錢聞拏投首者。曾經傷人及行劫二次以上之夥盜聞拏投首者。夥盜能將盜首逃匿地方供出。一年限內拏獲者。圖財害命不行而分贓。及傷人未死已得財從而加功傷非金刃又非折傷者。附京地方有窩藏偷竊馬匹開設馬窯子宰剝者。俱改為實發雲貴兩廣極邊煙瘴地方充軍。糧船丁舵將白土攬入漕糧百石以上者。糧船

舵工侵米五石以上累丁代完者在滇省沿邊
關隘私販碧霞弘等物共夥數在一二十人以
上為從及數在四人以上不及十人為首者結
夥盤踞重利收當軍器者白役詐贓逼命案內
正役知情同行在場幫索及雖不同行而主使
詐贓者俱改發極邊足四千里充軍以上改發
新疆人犯均面刺外遣二字改發駐防及內地
充軍者除未傷人盜首聞拏投首窩家盜線聞
拏投首曾經傷人及行劫二次以上之夥盜聞
拏投首夥盜供出盜首逃匿地方一年限內拏

獲四項脫逃被獲係例應正法者。俱面刺改遣二字外。餘俱面刺改發二字。有應刺事由者。仍刺事由一。應發黑龍江等處條例內。如用藥迷人已經得財為從者。閩省不法棍徒引誘偷渡之人包攬過臺中途謀害人未死為從同謀者。應發極邊煙瘴罪人。事發在逃被獲時有拒捕者。夥衆搶去良人子弟强行雞姦之餘犯。問擬發遣者。開窯誘取婦人子女勒賣為從者。夥衆強搶犯姦婦女已成為首者。輪姦婦女未成為首者。輪姦犯姦婦女已成為首者。輪姦案內同

謀未經同姦之餘犯。強姦犯姦婦女已成致本
婦羞忿自盡者。強姦十二歲以下幼女幼童未
成者。奴及雇工人調姦家長之母未成者。俱改
發回城酌給大小伯克^姦及力能管束之回子
為奴面刺外遣字樣。如有不服管教及脫逃被
獲者。除用藥迷人得財為從一項係照強盜免
死減等仍應正法外。其餘各條人犯俱在配用
重枷枷號三月杖一百給主嚴加管束。仍將一
年內發到人犯若干現存若干名於年終咨報
軍機處刑部彙開清單具奏。謹案嘉慶十七年
調劑黑龍江吉林

等處遣犯先後奏准將例應發遣黑龍江吉林等處並奏准擬發黑龍江等處共七十三條內除回民犯罪應發回疆及新疆地方四子犯罪應調發回疆等項共十條仍發黑龍江等處外其餘均改發新疆等處因定此二條一。應發黑龍江等處條例內如用藥迷人已經得財為從者應發極邊煙瘴罪人事發在逃被獲時有拒捕者俱改發新疆給官兵為奴面刺外遣字樣如有不服管教及脫逃被獲者除用藥迷人得財為從一項係照強盜免死減等仍應正法外應發極邊煙瘴被獲拒捕一項在配用重枷枷號三箇月杖一百給主嚴加管束仍將一年內發到人犯若干名。

現存若干名。於年終咨報軍機處刑部彙開清單具奏。其閩省不法棍徒引誘偷渡之人包攬過臺中途謀害人未死為從同謀者。夥衆搶去良人子弟强行雞姦之餘犯。問擬發遣者。開窯誘取婦人子女勒賣為從者。夥衆強搶犯姦婦女已成為首者。輪姦良人婦女未成為首者。輪姦犯姦婦女已成為首者。輪姦良人婦女已成案內餘犯。同謀未經同姦者。強姦犯姦婦女已成。致本婦羞忿自盡者。強姦十二歲以下幼女。幼童未成者。奴及雇工人調姦家長之母與妻。

女未成者共十條俱仍復舊例發往黑龍江給
披甲人為奴照例刺字謹案此條嘉慶二十二
年因停發回疆改發內地將用藥迷人得財為從及應發極邊煙瘴罪人逃被獲時有拒捕二條俱仍發回城為奴其閩省不法棍徒以下十條俱改發雲貴兩廣極邊煙瘴地方充軍道光六年調劑新疆遣犯婦將應發極邊煙瘴罪人在逃被獲拒捕並輪姦雲貴兩廣極邊煙瘴充軍十年將轉為妻婦女未成為首及輪姦內餘犯二項俱改發極邊煙瘴及四省人犯照足四千里充軍二十四年新疆及四省人犯照舊發往仍將二項改發雲貴兩廣及四省人犯照治九省調分改發黑龍江等處遣犯十條仍復舊例發往黑龍江給披甲人為奴其閩省不法棍徒以下改發回城為奴人犯照從及應發極邊煙瘴罪人在逃被獲拒捕二條俱仍發新疆改治九省調分改發黑龍江等處遣犯一停發新疆改

發内地人犯。如竊盜滿貫擬絞。秋審緩決一次。
者。竊盜三犯贓至五十兩以上。秋審緩決一次。
者。行竊軍犯在配復行竊者。三次犯竊計贓五
十兩以下至三十兩。並三十兩以下至十兩者。
竊贓數多罪應滿流者。積匪猾賊竊盜臨時拒
捕傷非金刃傷輕平復者。搶奪傷人傷非金刃
傷輕平復者。發掘他人墳冢見棺槨為首。及開
棺見屍為從者。回民行竊結夥三人以上。執持
繩鞭器械者。捨奪金刃傷人。及折傷下手為從
者。子孫犯姦盜致縱容之父母自盡者。察哈爾

等處牧丁偷賣牲畜及宰食並作為私產者。偷
盜為從人犯。誣扳良民為財主及頭目者。發功
臣家為奴人犯。伊主不能養贍者。殺一家三四
命以上案內兇犯之子年十六歲以上實無同
謀加功者。奪犯殺妻案內隨同拒捕未經毆人
成傷者。賊犯殺死捕役案內未經幫毆成傷者。
調姦未成和息後因人恥笑其夫與父母親屬
及本婦復追悔自盡致死二命者。兇徒因事忿
爭執持軍器毆人至篤疾者。強盜窩主造意不
行又不分贓者。殺一家三四命以上案內兇犯

之妻女實無同謀加功並被殺之家未至絕嗣
充犯之子年在十五歲以下者姦婦抑媳同陷
邪淫致媳情急自盡者。

盛京旗下家奴為匪逃走至二次者前項人犯從
前已照原例應配地方充發在配為匪脫逃者
以上二十六項人犯俱各照本例改定地方充
發面刺改發字樣應刺事由者仍刺事由如有
在配在途脫逃照本例加二等調發謹案此條
四年將應發黑龍江等處改發新疆例內摘出
子孫犯姦盜致獄容之父母自盡等五條又於
原發新疆各例內摘出奪犯殺差案內隨同拒
捕未經取人成傷等三條暨由內地改發新疆

例內摘出充徒因事忿爭執持軍器毆人致萬
疾等五條俱改發内地增入此例。道光九年於
殺一家三四命以上案內犯之妻女實無同
謀加功下增入被殺之家未至絕嗣犯之子
字。十三一應發黑龍江等處及停發新疆改發內

地條例內如白陽各項邪教從犯年未逾六十
及雖逾六十而有傳徒情事者聽從入西洋教
不知悛改者造妖書妖言傳用惑人不及衆者
共三條俱改發回城給大小伯克。今及力能管
束之回子為奴強盜免死減等者強盜已行而
不得財傷人為從及未傷人為首者響馬強盜
傷人未得財為從及未得財又未傷人為首者。

洋盜案內被脅接贓一次者。洋盜案內接贓二次投首者。老瓜賊內跟隨學習技藝未同行者。共六條。俱改發新疆給官兵為奴。民人詭稱賣身在旗者。詭稱八旗逃人者。假稱逃人具告行詐者。賣逃買逃者。無主領認逃人入官給兵丁為奴再逃至三次者。旗下家人詭稱民人。賣身逃走已至三次者。旗下家人三次逃走者。旗下家奴喫酒行兌者。旗下家奴犯兌惡棍徒者。旗下家奴偷竊進倉米石者。旗下家奴用銅鐵錫鉛藥煮偽造假銀者。隨圍奴僕逃走投回。伊主

不願領回者。遣犯殺死伊主案內之該犯妻妾及子孫年未及歲者。民人殺死奴僕非死罪三人者。經紀鋪戶人等攬和私錢行使及收買翦邊錢攬和貨賣數至十千以上者。

內廷太監買食鴉片煙者。共十六條。俱改發各省駐防給官員兵丁為奴。仍由兵部覈計該犯原籍及犯事地方道里。俱在四千里以外駐防省分。均勻酌發聚衆十人以上帶有軍器與販私鹽拒捕傷一人為從下手及拒捕不曾傷人為首者。回空糧船挾帶私鹽闖關拒捕案內

為從下手傷人及拒捕不傷人為首者盜期親
尊長未殯未埋屍柩開棺見屍者發掘期親尊
長墳冢見棺槨為首次發掘期功總麻尊長墳
冢開棺見屍為從者未傷人之盜首聞拏投首
者窩家盜綫聞拏投首者曾經傷人及行劫二
次以上之夥盜聞拏投首者夥盜能將盜首逃
匿地方供出一年限內拏獲者圖財害命不行
而分贓及傷人未死已得財從而加功傷非金
刀又非折傷者附京地方有窩藏偷竊馬匹開
設馬窯子宰剥者白陽各項邪教從犯尚未傳

徒。而又年逾六十者。回民搶奪結夥在三人以上者。回民犯罪應發回城。及新疆地方。回民犯罪應調發回疆者。軍犯在配遣人呈遞封章告言人罪者。軍犯將呈詞封固投遞挾制接收官員原封入奏者。新疆地方偷竊金砂為首者。決隄過水浸損漂沒人田產財物為首者。永遠枷號已逾十年原擬軍流以下者。花戶已經斥革復在現充花戶身後影射向關米人勒索得財計贓在十兩以上者。子孫平治祖墳並奴僕雇工人平治家長墳一家者。杖一百徒三年每一

家加一等應加至遣罪者臺灣游民獵悍兇惡肆行不法犯該徒流以上情重者豫省南陽汝寧陳州光州及安徽潁州府所屬各地方兇徒結夥十人以上執持兇器無論曾否傷人者觸犯祖父母父母充軍釋回後復行觸犯者極邊煙瘴充軍人犯在配遣人呈遞封章條陳事務者控訴事件口稱必須面見

皇上始行申訴雖未呈遞封章即照呈遞封章本例加一等罪應極邊煙瘴充軍者回民窩竊罪應極邊煙瘴者由黑龍江吉林減回內地充軍擬

流之盜犯。在配脫逃於五日內拏獲者。因搶問擬極邊煙瘴充軍人犯。在配在逃復犯搶奪者。因搶問擬軍流徒罪。在配在逃復搶至三次者。因搶問擬軍流徒罪。釋回復搶至五次者。搶奪初犯至八次者。免死減軍人犯三次逃走者。極邊煙瘴充軍人犯。脫逃者人命案內。按律不應擬抵罪。止軍流徒人犯。如致死三命以上。按照致死人數。由極邊煙瘴遞加者。發遣雲貴兩廣煙瘴創漢人犯。在配脫逃者。共三十五條。俱改發雲貴兩廣極邊煙瘴地方充軍。糧船丁舵將

白土攏入漕糧百石以上者。糧船舵工侵米五
石以上累丁代完者。在滇省沿邊關隘私販碧
霞弘等物。共夥數在一二十人以上為從。及數
在四人以上不及十人為首者。結夥盤踞重利
收富軍器者。白役詐贓逼命案內正役知情同
行在場幫索及雖不同行而主使詐贓者。大逆
緣坐男犯十六歲以上者。叛逆案內被脅入夥
悔罪投首者。私鑄銅錢十千以上或不及十千而私
為首者。私鑄銅錢十千以上或不及十千而私
鑄不止一次為從。及知情買使者。叛案緣坐者。

偷盜圈場牲畜再犯三犯及雖係初犯而木植至五百斤以上。牲畜至十隻者。共十一條。俱改發極邊足四千里充軍。以上改發新疆人犯均面刺外遣二字。改發駐防及內地充軍者除未傷人盜首聞拏投首寫家盜線聞拏投首曾經傷人及行劫二次以上之夥盜聞拏投首夥盜供出盜首逃匿地方一年限內拏獲四項脫逃被獲係例應正法者。俱面刺改遣二字外餘俱面刺改發二字。有應刺事由者。仍刺事由。謹案此條

嘉慶二十四年改定道光十四年因改發地方各本例內已經分析裁明名例內毋庸複載是

以刑除

一。逃人續供之窩家提來審問。又屬誣板。

如年力強壯者改發烏魯木齊等處分別種地為奴。移住拉林間散滿洲有犯二次逃走者發往伊犁等處充當折磨差使派往各省駐防滿洲兵丁臨行及中途脫逃被獲者發往伊犁充當步甲苦差俱照例面刺外遣字樣母庸僉妻遣發如有情願攜帶者不准官為資送儻在配在途脫逃並不服拘管者獲日在配所用重枷枷號三月杖一百折責發落母庸即行正法若越獄脫逃仍照軍流越獄本例辦理註案此條嘉慶二十

四年由原例內摘出充徒逃人漢犯姦婦威
京族奴五條改發內地道光六年調劑新疆遣
犯又滑原例內自光緒至偷打圍場牲畜二十
隻以上各條均摘此另載停發新疆改發內地
條內十四年又查照督捕例將逃一例內應發
人輕板寫家一項仍改歸本條

雲貴兩廣極邊煙瘴各條如異姓結拜弟兄案
內聞拏投首及事未發而自首各犯減免後復
犯結拜罪應極邊煙瘴充軍者未傷人之首盜
及夥盜曾經傷人並行劫二次以上聞拏投首
者首犯脫逃夥盜供出逃匿所存限內拏獲將
供出之夥盜照例免死者因搶問擬軍罪在配
在逃復犯搶奪如本條極邊煙瘴人犯有犯者

回民結夥搶奪問擬極邊煙瘴充軍人犯脫逃被獲者寫留積匪造意同行分贓代賣問擬軍罪人犯脫逃被獲者回民寫竊罪應極邊煙瘴者軍民人等呈遞封章挾制入奏所控虛誣覈其誣告本罪應擬煙瘴充軍者負罪人犯呈遞封章奏告人罪原犯軍罪者問擬笞杖枷責遞籍及無罪遞籍管束之犯復又脫逃呈遞封章原犯煙瘴充軍及原犯造罪改發煙瘴者控訴事件口稱必須面見

皇上始行申訴於呈遞封章本例上加等罪應煙瘴

充軍者。軍流人犯在配遣人呈遞封章條陳事
務原犯極邊煙瘴及原犯遣罪改發極邊煙瘴
者。罪人事發在逃被獲拒捕。本罪犯該煙瘴者。
竊盜搶奪被事主扭獲圖脫用刀自割髮辮襟
帶以致誤傷事主例應斬候者。極邊煙瘴軍犯
脫逃者。發遣極邊煙瘴創謫人犯脫逃者。改發
雲貴兩廣充軍四項盜犯。如係在附近暫避或
偶有事故未向看役告知。實非逃走者。免死減
罪人犯在配脫逃至三次者。共十八條。仍照例
實發四省外。其餘各項應發雲貴兩廣極邊煙

瘴人犯無論例內載明改發實發。均以極邊足四千里為限。面刻煙瘴改發四字。遇有脫逃即照煙瘴人犯脫逃例治罪。謹案道光十七年因重十八條仍實發四省煙瘴其餘無論改發實發俱以極邊足四千里為限。二十四年調劑貴州軍犯_{署由新疆改發內地各條}舊發桂新驛其四省煙瘴人犯亦一體實發。因將此條刪除。一應行發遣黑龍江吉林等處人犯除宗室覺羅太監並八旗另戶正身各省駐防正身旗人及民人曾為職官暨舉貢生員監生或職官子弟等項。仍照原例發往。其前項內應發新疆烏魯木齊等處者。亦改發黑龍江吉林等處分。

別當差為奴。交該將軍均勻酌撥安插。其餘應發黑龍江為奴條例內。如閩省不法棍徒私充客頭包攬過臺引誘偷渡之人中途謀害未死為從同謀者。夥衆將良人子弟搶去強行雞姦餘犯擬遣者。開窯誘取婦人子女勒賣為從者。夥衆強搶犯姦婦女已成為首者。強姦犯姦婦女已致本婦羞愧自盡者。輪姦良人婦女已成案內餘犯同謀未經同姦者。因而殺死本婦同謀並未下手又未同姦者。致本婦自盡同謀未經同姦者。輪姦良人婦女已成為首者。因而

殺死本婦為從未經下手者。致本婦自盡為從
者。輪姦犯姦婦女已成為首者。因而殺死本婦
同姦並未下手者。致本婦自盡為從同姦者。輪
姦犯姦婦女未成。因而殺死本婦係毆殺幫同
下手者。致本婦自盡為首者。強姦十二歲以下
幼女幼童未成者。奴及雇工人調姦家長之母
與妻女未成者。共十八條。俱改為實發雲貴兩
廣極邊煙瘴充軍。毋庸以足四千里為限。面刺
改發二字。如在配脫逃被獲。用重枷枷號三月。
儻在配滿事及逃後行兇為匪。並拏獲時有拒

捕者俱照平常造犯治罪

謹案同治九年因調
割黑龍江吉林造犯。

此改定一例。應發駐防為奴人犯除例內載明各條外。其隨征兵丁在軍營私自潛逃分別軍務已

未告竣投首及患病受傷迷失路徑查非有心

脫逃在軍務告成後拏獲者隨征跟隨餘丁偷

竊馬匹軍器及衣服銀兩潛逃投首照兵丁投

首按軍務已未告竣分別問擬者觸犯祖父母

父母發遣免罪釋回後再有觸犯復經呈送者

反逆案內其子孫無論已未成丁實係不知謀

情者其餘律應緣坐男犯並非逆犯子孫年在

十六歲以上者。私鑄銅錢十千以上或不及十
千而私鑄不止一次為從及知情買使者。私鑄
銅錢不及十千匠人及為首者。鎔化些須鉛斤
鑄錢不及十千匠人及為首者。共八條。俱改發
駐防給官兵為犯面刺改發二字。如有不服伊
主管束及脫逃滋事。仍按違犯本例問擬一。應
發新疆及回城烏魯木齊等處條例內。如一切
左道異端煽惑人民為從者。傳習白陽白蓮八
卦等邪教案內為從年未逾六十及年逾六十
而有傳徒情事者。造讖緯妖書妖言傳用惑人

不及衆者用藥迷人。甫經學習雖已合藥即行敗露或被迷人知覺未受累者。各項教會名目並無傳習呪語。但供有飄高老祖及拜師授徒者。用藥迷人已經得財其餘為從者。老瓜賊內傳授技藝跟隨學習之人未同行者。用藥及一切邪術。迷拐幼小子女為從者。共八條均暫行監禁。俟新疆道路疏通再行照例發往。其強盜及擣馬強盜傷人未得財為從者未得財又未傷人為首者。強盜傷人傷輕平復事未發自首及行劫數家止首一家者。洋盜案內投回自首。

照強盜自首問擬發遣者。拏獲盜犯之眼線曾為夥盜悔罪五日內指獲同伴者。船戶店家圖財害命同謀不行事後分贓者。聚衆不及十人數在三人以上持械搶奪為從者。糾衆發冢起棺索財取贖跟隨同行在場瞭望及未得財為從者。共謀為盜因患病及別故不行事後分贓者。強盜窩主造意不行又不分贓及存留二人者。窩線不上盜又未得財但為賊探聽事主消息通線引路者。共十一條俱改發極邊煙瘴充軍仍以足四千里為限到配後鎖帶鐵杆石墩

二年四川等省匪徒在場市人煙湊集之所橫行搶劫。糾夥不及五人者在野捆搶四人以上至九人者糧船水手搶奪案內殺人未經幫毆成傷及聚衆互毆藏有火槍鎗槍者山東省匪犯聚衆持械結捻結幅搶奪得賊數至四十人以上被脅同行及四十人以下十人以上為從並聚衆搶奪未得財者捉人勒贖將被捉之人拒殺毆殺為從幫毆傷非金刃又非折傷者將被捉之人幫同陵虐及雖無陵虐而助勢逼勒致令自盡者聚衆拒殺兵役為從傷非金刃又

非折傷者。傷人未死為從刃傷及折傷以上者。
審無陵虐重情。止圖利闢禁勒贖為首者。洋盜
案內知情接買盜賊三次以上者。豫省並安徽
等處兇徒結夥聚衆十人以上。執持器械無論
曾否傷人者。聚衆十人以上搶奪被脅同行者。
廣東省匪徒捏造圖記紙單名色夥衆三人以
上帶有鳥槍刀械。未得財為首。並未帶鳥槍刀
械。亦未恃強擄掠。但係嚇詐得財為首。及為從
二次。並二次以上者。廣東廣西二省姦徒窩藏
匪類。關禁勒贖者。共十四條。亦照前改發。到配

後鎖帶鐵杆石墩一年。如有在配滋生事犯法及乘閒脫逃。在逃後另犯不法情事。除強盜等項例應正法及另犯事應斬絞者。照例辦理外。其因罪無可加。例止枷責之犯。即照烏魯木齊地方遣犯例。叢其所犯事由。如係軍流徒罪。鎖帶鐵杆石墩二年。如係笞杖等罪。鎖帶鐵杆石墩一年。果能安分限滿開釋。交地方官嚴加管束。釋放後仍不悛改。再行鎖帶一年。儻仍怙惡不悛。即令永遠鎖帶。此外例內載明應發新疆烏魯木齊等處者。俱改發極邊足四千里充軍。係

酌撥種地當差人犯到配後加枷號三月係為奴人犯到配後加枷號六月其原例應加枷號者仍遞加枷號如在配脫逃被獲為奴人犯用重枷枷號三月當差人犯亦加枷號三月儻在配滋事及逃後行兇為匪並拏獲時有拒捕者俱照平常遣犯治罪以上各犯應刺字者如係強盜等項脫逃例應正法者面刺改遣二字餘俱刺改發二字俟新疆道路疏通再行查明分

別叢辨

註案同治九年因應發駐防遣犯過多
新疆道路梗阻分別改發定此二條

○一。邪教案內為從應行發遣之犯改發黑龍

江給索倫達呼爾為奴。謹案鄂教從犯乾隆五
妃六十年奉熙此辦理。因改定是條。嗣於嘉慶十六年奏准發回籍為
旨改發黑龍江著嗣後均
吉此項改發新疆給額。魯特為妃。○一。八旗及各
處。註案此條嘉慶四年定咸豐二年於原

省駐防正身旗人有犯喫酒行兇者。如係平日安分偶爾醉鬧並無兇惡情狀。該將軍都統按例自行責懲。若屢次酗酒行兇滋事。怙惡不悛者。該管佐領呈報。該將軍都統查明滋事實迹。送部審實。再行發遣當差。如違例任意擅送及藉端陷害者。將呈送不實之該管各官交部議處。註案此條嘉慶四年定咸豐二年於原
訓發遣下增入吉林黑龍江等處七宗。○一。

發遣新疆廢員派令管理鉛鐵等廠該將軍都統等詳覈案情輕重摘敘原犯罪由報部覆。情罪較重者不准管理其情節較輕之員准其管理俟兩年期滿如果妥協除原犯軍流例應止三年奏請者毋庸置議外其原犯軍流例應十年奏請者准其於十年之內酌減三年奏。

聞請

旨如蒙

允准即令各回旗籍謹案此條嘉慶八年定○一。凡內地回民犯罪應發回疆及回民在新疆地方犯至軍流

例應調發回疆者俱發黑龍江等處為奴謹案

嘉慶十一年定二十五年調刺黑龍江遣犯改為俱實發雲貴兩廣極邊煙瘴充軍○一

發遣回疆各犯除僅止在配不服拘管者即令

該管大臣酌量懲治外若實係在配酗酒滋事

怙惡不悛難於約束者改發巴里坤充當折磨

差使如改發之後復行滋事初犯枷號三月再

犯枷號一年三犯永遠枷號謹案此條嘉慶十一年定○一

發遣回城為奴人犯先行酌給印房各章京筆

帖式等役使該章京等於卸任時列入交代不

准攜回本旗俟撥給章京等足敷役使再分給

大小伯克幹為奴。毋庸分給小回子。以免耗累。
詔案此條道。○一。發往軍臺效力廢員三年期
光八年定。滿臺費全數繳完者。由軍臺都統鈔錄獲罪原

案。具奏請。

旨。如不能完繳臺費者。文職州縣以上。武職都司以
上。均由兵部行文各旗籍任所。查明委係赤貧。
具結到部。兵部知照軍臺都統該都統即鈔錄
獲罪原案。並聲明無力完繳臺費緣由。具奏請
旨。如有隱匿寄頓情弊。發往烏魯木齊永遠充當苦
差。其文職佐雜武職守備以下各員。并不能完

繳臺費者。於期滿之日。例應杖一百。徒三年。仍令該都統鈔錄獲罪原案。聲明不能完繳臺費。例應改擬杖徒緣由。具奏請

旨此內有仰邀

特旨釋回者。兵部行文該都統將其釋回。其照例改為杖徒者。行文該都統將旗員解交刑部。照例辦理。漢員解交該原籍督撫。定驛充徒。謹案此條嘉慶

十二年。道光八年。於並聲明無力完繳臺費。下增入將故廢員再行留臺五年。十字。於緣由是奏請旨下。增入如能於留臺五年限內完結者。准該都統隨時具奏請。旨釋回。

十四
害。○一。發往熱河之員。於解到日。即由該副

都統奏明派在何處當差。至三年期滿亦分別
具奏請

旨。若有事故者隨時附奏。

謹案此條嘉慶十五年定道光二十四年刪去副官

欽定大清會典事例卷七百四十四

刑部

名例律徒流遷徙地方四

歷年順治十二年題准。一應流犯俱照律例所
定地方發遣。其解部流徙者改流尚陽堡。○十
四年議定凡賣錢經紀鋪戶興販攬和私錢者。
流徙尚陽堡。○十六年

論。貪官賊至十兩者流徙席北地方。○十七年題准。席
北係邊外之地以後流徙席北者俱改流甯古
塔。○十八年定凡反叛案內應流人犯俱流徙

甯古塔。○康熙五年覆准。侵欺錢糧婪贓衙役遇

赦緩免後。仍入衙門應役者。除死罪外。流徙甯古塔。

○九年

諭刑部等衙門向來定例。流徙尚陽堡甯古塔等處人犯。六月十二月不行發遣。其餘月分俱發。今思十月至正月終。俱屬寒冷之時。流人多有貧者。衣裝單薄。無以禦寒。以罪不至死之人。凍斃道途。殊為可憫。以後流徙尚陽堡甯古塔人犯。十月至正月終及六月。俱停其發遣。餘月照常發遣。○十七年覆准。凡隱匿

入官人口至五名財物至五百兩者流徙甯古塔。○十八年議定凡軍罪及免死擬流人犯俱安插於烏拉地方其照常流犯安插於奉天地方。○十九年議准凡貪贓官役免死減等發落者照例安插於烏拉地方罪不至死而擬流者流徙尚陽堡。○二十一年

諭刑部頃者逆寇殲滅海宇蕩平朕躬詣盛京展謁

永陵

福陵

昭陵以告成功因而巡行邊塞咨詢民間疾苦東至烏

拉地方見其風氣嚴寒。由内地發遣安插人犯。水土不習。難以資生。念此輩雖干憲典。但既經免死。原欲令其生全。若仍投畀窮荒。終歸踣斃。殊非法外寬宥之初念。朕心深為不忍。以後免死減等人犯。俱著發往尚陽堡安插。其發往尚陽堡人犯。改發遼陽安插。至於反叛案內應流人犯。仍發烏拉地方。令其當差。不必與新披甲之人為奴。以昭朕軫恤民隱哀矜保全之意。爾部即遵諭行。○又題准。凡民人假稱逃人具告行詐者。發甯古塔與窮披甲之人為奴。○二十三年題准。凡三次逃人。三次竊盜。免死減

等發落。及誘賣人口藥餅迷拐各為從並和同
被誘知情及人牙子應擬流徙者俱改甯古塔
與竊披甲之人為奴。○二十三年

諭。凡充軍流徙犯人於隆冬嚴寒時發遣在途苦累嗣
後隆冬時停其發遣。○又定。凡犯重罪免死給予
盛京甯古塔等處新滿洲為奴者並妻發去不許
贖身仍籍沒其家產。○又題准。凡誣陷平民為
盜嚇詐銀兩者比照竊盜三犯免死完結例發
與甯古塔竊披甲之人為奴。○又定。凡係發給
新滿洲為奴人犯禁其贖出為民。○二十六年

恩詔。凡解部及遞解外省各項犯人。應按程給予口糧。
母致飢餓。○又議准。遞解人犯中途患病者。原解即
報該地方官。親身驗明。出具印結。如取結後死
者。其官役免議。若未取患病印結。途中死一二
名者。將僉差之官罰俸一年。解役徒三年。至配
所責四十板。死三四名者。僉差之官降一級留
任。解役流三千里。至配所責四十板。○又議准。
凡解役將犯人恣意凌虐。揜勒拷打致死者。該
地方官申報督撫。照律從重治罪。○又議准。凡
解役夥同逃人。沿途搶奪。擾害良民者。以光棍

例治罪。如有解役教唆人犯搶奪者。亦照此例治罪。○二十八年題准。免死減等發與新滿洲為奴為額丁。並免死發往之另戶人。若仍不改惡。為盜或逃走者。該將軍於衆惡之前。即行正法。仍將情罪緣由。年底彙奏。○又

諭。流徙人犯。遇有勢力者。每羈禁不嚴。及至發遣。又展轉遷延。其貧困之人。無力營求者。即肆行凌虐。濱於死亡。向來此等情弊甚多。嗣後如遇有勢力之人。即行發遣。其有貧困之人。毋許陵虐致斃。著戶刑二部堂官。不時詳加稽察。如有前項立行指參。從重治罪。

○二十九年議准。凡流徙官員遇寒暑發遣。俟命下三日內分送戶部兵部順天府等衙門限十五日內令其束裝即行發遣。若限內不行發遣者。

將遲延官員交部議處。○三十一年覆准免死減等發往黑龍江為奴之犯。令該將軍酌量均分給予新舊滿洲及達古里窮披甲之人為奴。

○又

諭此後發黑龍江罪人及發為奴罪人或留黑龍江或安插墨爾根著該將軍酌量料理。○三十六年議准犯人中途患病情有可憫即令該地方官醫治。

仍毋誤遞解。○四十年題准。甘肅地方起解免死減等及軍流人犯。照逃人例遞解。○四十一年議准。黑龍江甯古塔等處將軍捕牲總管等。將免死發遣人犯。每月收領者若干。逃走者若干。拏獲者若干。未獲者若干。查明造冊咨部。至年底將總數令該將軍開明具奏。該部勘對。若將發遣人犯逃走一名者。伊主係官罰俸三月。平人鞭五十。至二三名者。計人數加罪。一年內逃至五名者。該管佐領驍騎校各罰俸一月。領催各鞭三十。至十名者。協領罰俸一月。佐領驍

騎校各罰俸三月。領催各鞭五十至二十名者。
將該將軍副都統等各罰俸一月。協領罰俸三
月。佐領驍騎校各罰俸六月。領催各鞭八十至
三十名者。將該將軍副都統等各罰俸三月。協
領罰俸六月。佐領驍騎校各罰俸一年。領催各
鞭一百。逃走至四十名以上者。將該將軍副都
統等各罰俸六月。協領罰俸一年。佐領驍騎校
各降一級。罰俸一年。領催各加號二十日。鞭一
百。捕牲總管照協領治罪。翼長照佐領治罪。其
發遣人犯逃走。若拏獲時有拒捕者。即行正法。

其和同誘責人口發遣者。逃回並無行兇之處。
仍照例完結。若逃回又拐賣人口或為竊盜等
事發覺。部內查明。發與該將軍。亦照新例即行
正法。○又

諭。嗣後免死人犯。仍俱發黑龍江。如逃回獲住。嚴加重
處。面上刺字。○四十四年題准。凡發回原籍安插並
軍流等犯。有中途患病者。照逃人例。地方官留
養醫治。內有隨行親屬。亦准存留。俟病痊起解。
仍將患病日期報部。如不行留養醫治。以致病
故者。地方官交與吏部議處。○四十五年覆准。

湖廣福建江南陝西貴州廣東等省免死減等及軍流各犯俱照逃人例遞解○四十六年覆准順天浙江江西河南等省免死減等及軍流各犯俱照逃人例遞解○四十七年覆准雲南山西廣西山東四川等省免死減等及軍流各犯俱照逃人例遞解○四十八年覆准充發人犯仍不改惡在配所又打死人應在衆人前即行正法○五十一年覆准嗣後免死減等盜犯起解時值隆冬應照軍流人犯停遣之例准其停遣解至中途時值封印准其暫為留養於次

年開印後再行轉解。○五十二年

論此後發遣人犯俱發在三姓地方。○雍正二年議准嗣後除五旗該管門上送部發遣者仍照舊例咨送該王門上轉發捕牲烏拉外其五旗王府佐領下人因公事犯罪俱停其送該管門上發捕牲烏拉均改發三姓地方當差若情罪稍輕者酌量發黑龍江等處○又議准嗣後發遣三姓地方人犯若新編佐領內該甲人有願領者仍行給予如無人願領即令分發各處散住人戶為奴查明某頭目下某人領者註冊○又議

准。直隸山西河南山東陝西五省連家屬發遣
之人。除盜賊外。有能種地者。前往布隆吉爾地
方。令其種地。地方官動用正項錢糧。採買籽種
牛隻等項。給予耕種之人。三年以後。照例交納
糧草。○三年議准。嗣後免死發遣人犯。如仍不
改惡。該將軍務將所犯情由審明。照例定擬。先
行具題請。

旨。再將該犯正法。○又議准。嗣後應發遣三姓地方
人犯。暫停發三姓地方。即發遣吉林烏拉甯古
塔。伯都訥等三處。人犯發遣到日。該將軍副都

統等查明。或給當差之人。或賞給窮披甲之人。
即照例安插。該旗參領佐領驍騎校等查明。或
不肖之徒。混行索取銀兩。將人犯私放變賣。令
其贖身等弊。即從重治罪。若該管官不行嚴查。
被別人首出。該將軍等將該管官指名題參。從
重治罪。○四年議准。嗣後偷刨人墮應機發遣
之犯。俱行解部。若係滿洲蒙古。發往江甯荊州
西安杭州成都等處。有滿洲駐防之省城當苦
差。若係漢人。姦妻發往廣東廣西等處地方當
差。若係漢軍。發往廣西雲南貴州等處煙瘴地。

方當差。○五年刑部議奏。雲南鎮沅府土知府
刀瀚。姦占民妻。強奪田地。兇淫貪劣。應擬絞監
候。鎮沅地方已經改土為流。應將刀瀚家口遷
往省城。無留土屬滋事。奉

旨。所稱刀瀚家口遷往省城之處。朕思伊之家口。若仍
留本省。管束太嚴。則伊等不得其所。若令疏放。恐又
復生事犯法。刀瀚之家口。著遷往江甯省城。令該督
酌量安頓。務令得所。凡有改土為流之土司。其遷移
何處。及如何量給房產。俾得存養之處。著九卿酌量
該土司所犯罪案。分別詳議具奏。○九年

諭。查克拜達里克等處發遣人犯。俱著從寬免罪。即令充為綠旗兵丁。給予糧餉。在彼效力。年過六十以上者。情願當兵在彼居住者。留作兵丁。其並無妻子。已過六旬。願回內地者。俟城工告竣。夫役回來時。將伊等由驛站從容發回。各歸本籍。○十年

諭。向來偷窺人andler之犯。若滿洲蒙古。則發往江甯。荊州等處。有滿洲兵駐防之省城。當差。若係漢人。漢軍。則發往廣東。廣西。雲貴。煙瘴地方。當差。近聞發往廣東人犯。例在崖州陵水等處。此地水土最為惡毒。易染疾病。每多傷損。朕思此等不良之輩。雖孽由自作。然其

情罪較之盜犯尚覺稍輕。即發遣之本意亦欲全其性命也。今因水土不服以致傷生亦可憫惻。若將此等人犯改發沿海一帶衛所入伍充軍俾得保全軀命似亦法外之仁。著廣東督撫會同按察使即行確查定議具奏。其廣西雲貴等省若地方風土有與此相類者亦著該督撫將如何改發之處妥議具奏。

又

論從前應行發遣黑龍江等處罪犯改發查克拜達里克等處令其開墾耕種後伊等在彼甚不得力是以停其改發仍令照前發遣黑龍江三姓等地方上年

賊人窺伺查克拜達里克時。彼地所有罪人。跟隨官兵守護城垣。竭力捍禦。甚屬可憫。朕已加恩除其罪名。令充綠旗兵丁。入伍效力。續據順承親王等奏稱。伊等深知感戴朕恩。共思黽勉。可見有罪之人。予以自新之路。可以望其改惡從善。若發往黑龍江三姓諸處。不過終身為人奴僕而已。朕意嗣後將發往黑龍江等處人犯。改發於北路軍營附近可耕之地。令其開墾效力。在伊身可以努力自新。而於屯種亦屬有益。其如何遣發安置之處。爾等詳議具奏。欽此。遵旨議准。嗣後此等人犯。改於軍營附近之處。一切衣食。

照康熙五十八年酌定條例。自該處給發。由京城派弁兵遞送軍前。該犯在途有妄行不法逋逃拒捕者。即於本處立斬。○十一年

諭。凡有罪人犯應行發遣黑龍江者。前經辦理軍機大臣等議令改發查克拜達里克等處種地。效力贖罪。已降旨允行在案。朕思滿洲漢軍人等。不諳耕種之事。若發往查克拜達里克。甚屬無益。目今伊等尚未起身。著仍照舊例發往黑龍江等處。向後滿洲漢軍應行發遣之人。俱照此辦理。○十三年

諭。嗣後發遣人犯。有應發甯古塔等處者。皆改發三姓。

地方給予八姓一千兵丁為奴。計一千人足數之後。
再行請旨。○乾隆元年

諭黑龍江甯古塔吉林烏拉等處地方。若概將犯人發
遣。則該處聚集匪類多人。恐本處之人漸染惡習。有
關風俗。朕意嗣後如滿洲有犯法應發遣者。仍發黑
龍江等處。其漢人犯發遣之罪者。應改發於各省煙
瘴地方。著總理事務王大臣會同刑部議奏。○又

諭發給黑龍江甯古塔等處兵丁為奴之犯。聞各處兵
丁等。竟有圖占該犯妻女。不遂所欲。因而斃其性命
者。情甚可惡。現在為奴人犯內。有曾為職官及舉貢

生監者。一概免其為奴。嗣後職官舉貢生監等有罪應發遣者。不得加以為奴字樣。如何分別定例治罪之處。該部詳議具奏。○二年

諭。凡外遣人犯。近日改發煙瘴地方者。原因此等惡人不宜在盛京等處。使滿洲直樸之習有所漸染也。但伊等原係發與口外駐防兵丁為奴之犯。聞彼地兵丁。有藉以使用頗得其力者。且內地軍流人犯太多。地方官亦難管束。應將作何按其情罪分別內地外地遣發之處。妥議具奏。欽此。遵

旨議准。各項發遣為奴之民人。律例載有三十餘條。其

情罪輕重。不甚懸殊。但就其中力堪使用。於口外兵丁有益者。量為酌定。嗣後民人內有犯。強盜免死減等者。強盜行劫數家而止首一家者。夥盜供出首盜。即時拏獲者。竊盜拒捕殺人為從者。偷刨墳墓二次者。謊稱賣身旗下者。民人謊稱旗下逃人者。民人假稱逃人具告行詐者。民人賣逃買逃者。以上九項違犯。查明有妻室子女。照舊例發甯古塔。黑龍江等處給披甲人為奴。如無妻室子女者。伊等無家可戀。隻身易逃。難於使用。應將此等無妻子之違犯。並其

餘各項遣犯。悉照乾隆元年定例。改發雲貴四
川兩廣等省。分別極邊煙瘴與煙瘴少輕地方。
交地方官嚴行管束。○三年議准。窩盜三人以
上之遣犯。應照九項情重遣犯例。有妻室者。改
發甯古塔黑龍江等處。給披甲人為奴。無妻室
者。酌發雲貴川廣極邊煙瘴地方。嚴行管束。○
十年

諭各省土司獲罪減等遷徙內地。本人身故之後。有准
其家口回籍之例。朕思此等桀驁性成干犯法紀。國
家念其冥頑無知。遷徙內地。以保全之。本犯雖故。其

家口染習舊俗。未必盡能革面革心。儻回籍之後。野性難馴。故態復發。仍復罹於法網。非始終保全之意也。嗣後各省遷徙土司身故之後。家口應否回籍之處。著行文原籍督撫酌量夷情。奏聞請旨。永著為例。

○又議准地方無能有司。遇有流犯到配。不思設法安頓。又恐免脫致罹參罰。遂發給地保。按照里甲都圖分派。挨戶輪養。即責令看守。在有罪之流犯公然安坐傳食。無罪之貧民無故為其魚肉。小民甚為苦累。應行令各省督撫嚴飭。州縣遇有流犯到配。即令分別安置。務遵從前

原議妥協辦理。如有仍前分派輪養苦累小民者。即行參處。○又議准向來各省官員犯徒罪者。俱照各省流寓人犯徒例。即在所犯地方充徒。而各省官員犯徒。則有遞回原籍定地發配者。辦理既不盡一。且遞回原籍充徒。止該地方官與行文之上司。知其犯罪事由。其餘各官俱不能知。惟於犯事地方充徒。上下同僚觸目儆心。俱知懼憚。嗣後各省俱畫一辦理。○二十二年議准。發往黑龍江吉林等處民人內應給兵丁為奴者。仍照例發往外。凡發往安插民犯停

其發往吉林等處。俱照舊例發往雲南等省。其旗人匪類。並旗人毆死有服卑幼。情節慘忍。舊例發往拉林阿爾楚喀者。及旗員中誣告訛詐。行同無賴者。均改發黑龍江三姓等處充當苦差。○二十三年奏准。嗣後盜賊搶奪空墳應擬軍流人犯。不分有無妻室。概發巴里坤。於新闢夷疆。並安西回目札薩克公額敏和卓部落遷空沙地等處。指一屯墾地畝。另名園卡。令其耕種。其前已配到各處軍流等犯。除年久安靜有業者。照常安插外。無業少壯。曾有過犯者。一併

改發種地。交駐防將軍管轄。此外情罪重大軍流各犯。一體辦理。○又議准。軍流遣犯內。如造讖緯妖書傳用惑人不及衆者。師巫假降邪神。並一應左道異端之術。煽惑人民為從者。軍民吏卒毆傷本管官者。採生折割人已行而未傷人為從者。謀叛未行為從者。逃避山林不服追呼為從者。兇徒因事忿爭。執持軍器毆人至篤疾者。放火故燒人空閒房屋及田場積聚之物者。聚衆十人以上。帶有軍器興販私鹽。拒捕傷人為從者。開窯誘取婦人子女勒賣為從者。強

盜免死減等強盜已行而不得財者。強盜窩主
造意不行又不分贓者。竊盜臨時拒捕傷非金
刀傷輕平復者。積匪猾賊搶奪傷人為從者。捕
役奏賊一二名至五名者。發掘他人墳冢見棺
槨為首及開棺見屍為從者。竊贓數多罪應滿
流及三次犯竊罪應充軍者。以上各項除實係
老弱殘疾不能耕作之人。毋庸改發外。餘均發
往巴里坤等處種地管束。此外尋常軍犯案內。
有情節較重者隨時酌量請旨改發。至於現在各省已經到配之軍流遣犯內。如

有怙終不悛為匪脫逃者。亦照此辦理。此等應行發往種地人犯內。有到配之後不服拘管潛逃被獲者。請

旨即行正法。其尋常過犯酌量嚴行懲治。以示炯戒。至各犯應僉妻室及有情願留養父母並妻室患病難以帶往者。各照定例查辦。又定例軍遣罪犯向俱解部轉發。今發往巴里坤各犯應聽各省定案報部覈覆之後。即由本地僉差起解甘肅巡撫衙門。毋庸送部以免往返疏脫之虞。再查巴里坤等處邊疆重地。此等匪徒發往耕

種。必須安置得宜。人地適均。方能經久無弊。應請

救交辦理耕種事務大臣會同陝甘總督詳加查勘。因其地勢相其土宜酌量情形可以安置若干人犯。以及到配之後如何區別編管。如何設法稽查沿途作何分別起數僉差解送並所需口糧耕具作何動項資給之處悉心籌畫務使鎮撫要地生殖漸豐駐紮軍兵役使有賴則莠民處置得宜而荒服皆成樂利矣。○又

諭發遣巴里坤種地人犯本係情罪重大應死之人因

有一綫可原。未即置之於死。其實與黑龍江等處為奴人犯無異。不過因西陲平定。是以發往巴里坤等處。給屯田綠旗兵為奴耳。而辦理此事者。不知命意所在。以致輾轉籌畫。甚欲分屯築堡。為之計長久。定世業。如良民之撫摩而惟恐不至。豈不輕重倒置之甚耶。此從前定議時。未經特行指出。發與兵丁為奴字樣。僅將此例入屯種事宜各條內。原未甚明晰。無怪外省之拘泥。瞻前顧後。覺為萬難辦理之事也。著再詳細傳諭黃廷桂。俾得知所從事。但此時屯種一事。現須由近及遠。人犯亦未便遽行遠發。著酌量將

此等遣犯先賞給安西綠營兵丁為奴俟安西賞足後再行賞給哈密綠營兵為奴過二三年後以次再及於巴里坤烏魯木齊等處伊等如安分則已儻或滋事不法及私行逃竄一經拏獲即行正法若有逃回內地者肅州乃係要路斷不能潛越該督並當留心盤詰拏獲亦即於該處正法總之此等原係匪類免死發遣已屬寬典毋庸多為顧慮也○又奏准粵西天時溫暖每年七月交秋炎熱更甚十月亦不為寒本省軍流外遣各犯當溫暖可行照例停遣尚無妨礙若七月炎暑起解不免多病嗣

後粵西軍流遣犯。七月內亦暫停遣。俟八月初起解。至隆冬停遣之例。十月尚可前進。不必拘泥定限。可酌減一月。於十一月再為停遣。○二十四年議准。軍流外遣人犯。向例於發解時。將事由年貌疤痕箕斗開載批牌。沿途點驗。以防頂替脫逃。其徒罪人犯。以及遞籍發落安插管束之犯。批解文內。止開明事由年歲及有無鎖鑣字樣。其疤痕箕斗。向例俱不詳載。但查徒罪等犯。其中亦有准徒加徒情罪較重之案。至解籍發落管束者。情罪雖輕。第物情叵測。或有無

賴姦民。在籍曾犯重罪。改捏姓名。出外為匪。懼抵籍破案。因而中途賄役。雇倩頂替。到籍賄保。希圖蒙混者。若將此等人犯年貌箕斗詳查開載。則沿途地方官按牌查對。雇替之弊。計無所施。設有脫逃。即可查照原文年貌迅速緝拏。亦屬別弊防範之一法。嗣後徒罪人犯。及自內部外省解回發落管束之犯。統照現在軍流人犯之例。於批解長文內載敘事由。並開明該犯年貌疤痕箕斗。以備查覈。○二十六年

諭。前因甘省軍務未竣。且歲事尚屬歉收。所有免死減

等發往巴里坤安插之犯。暫行停止。以免兵役押解及沿途口食之繁。今大功已經告成。該省年穀時熟。新疆屯田收穫亦為充裕。自應仍照前例所發。俾投諸遠方者既得力耕自給。而腹地匪類亦可日就減少。不致漸染居民。此舉實為兩得。惟從前所議條例為數稍多。著軍機大臣會同刑部堂官詳覈各犯案情酌量刪減。著為定則。奏請通行。○又

諭據明德奏嗣後巴里坤逃犯。請於拏獲本省地方審明正法。不必遠解。甘省一摺所奏甚是。前於直省方觀承摺奏拏獲巴里坤逃犯王登山一案。曾經降旨。

令就本處正法不必再行解甘。而各省辦理尚未盡一。此等匪徒原屬去死一閒之人。乃復悍然脫逃。皆不畏死。即解至甘省亦法無可緩。而長途解送易致疏虞。且徒滋兵役派撥往返之煩。嗣後凡有發遣巴里坤等處逃犯。原籍及路過省分盤獲者。一經移訊明確。即由各省督撫自行奏聞。於拏獲處所正法示衆。○又奏准各省發遣巴里坤等處人犯。向俱解甘肅巡撫衙門定地分發。因從前原議由近及遠。是以乾隆二十四年各省解到犯俱分發巴里坤哈密安西三處在案。茲將從前發遣人犯

通行確查。巴里坤哈密安西三處遣犯及隨行妻子除逃亡死故外現在尚有一千四百六十九名口。內巴里坤六百二十二名口。哈密三百四十名口。安西五百七名口。今若將解到遣犯仍分發巴里坤等三處不惟擁擠過多該管員弁難以稽查且安西哈密並無屯田可耕俱係賞兵為奴現在安西標兵不日移繁巴里坤而哈密防兵目下已多裁汰兵數既已減少遣犯似難再發其巴里坤雖有屯田氣候寒冷屯田無多種種之糧亦少官兵口糧不敷尚需他處

輓運接濟。雖遣犯自食其力。而初到遣所。未經種穫以前。尚應資給口糧。動用撥運糧石。殊覺糜費。查閱展烏魯木齊屯田。上年收穫頗豐。餘糧甚多。即現在撥運巴里坤哈密。一時亦不能用完。如將解到遣犯。停其分發巴里坤哈密安西等處。俱酌發闢展烏魯木齊屯所。此二處地土肥沃。渠水充暢。各犯到配之後。即令分派各屯。照例給予口糧。隨同兵丁協力耕作。既於屯務有裨。而遣犯亦各得其所。伏讀乾隆二十三

年原奉

上諭。即有安西等處賞足後。以次再及於烏魯木齊等處。仰見

睿慮精詳。至為周洽。今巴里坤等三處各有遺犯三百餘名口。至五六百餘名口不等。為數已多。所有現在各省解到遣犯。應俱分發闢展烏魯木齊。視該二處屯田之多寡。酌量分發。俟此二處遣犯發足之日。隨時酌議。另行請

旨辦理。至沿途解送遣犯。除內地至哈密。由甘肅巡撫衙門給發護牌。派撥兵役按程遞解外。其自哈密至闢展。交與哈密大臣派兵押送。自闢展

至烏魯木齊交與閩展大臣派兵押送。如此則於新疆屯務既屬有益。而哈密安西不至辦理掣肘。巴里坤糧石亦無糜費之虞。○又議准從前遞解遣犯屢有脫逃緣甘省地廣站長州縣之有監獄者即行收禁其餘各站皆係住宿坊店易致脫逃今於沿途各驛酌添閒房二三間作為監房遣犯一到即行收禁令在驛書役協同看守其有營汎處所即令該員弁巡查如有疏虞照州縣例參處○又奏准閩展地方田土較少將來各省發遣人犯正多未便仍與烏魯

木齊一體分發。查烏魯木齊除本屯外。原有昌
吉羅克倫二屯。且明年於烏魯木齊以西瑪納
斯等處。又設三屯。地寬兵多。易為防範。嗣後遣
犯。概停分發。闢展俱解烏魯木齊酌量安插。
二十九年奏准。各省遣犯軍流人犯俱照道里
表內註定安置地方發。查豫省各府州現在
安置數十名至一二百名不等。惟衛輝光州二
屬獨無。軍衛表內雖載湖北安陸甘肅平涼廣
西慶遠軍流應配衛輝。而從未發到。三流表並
未載及。至光州則二表俱不載。當係安陸等三

府犯案本少。抑因道里不符應配之數。嗣後各省解到軍流人犯。由巡撫衙門覈明。如應僉之處。犯過多。而與衛光相去不遠者。即勻撥二屬安置。庶不致集聚滋事。○又

諭。據富僧阿奏稱。發到黑龍江給予旗人。為奴人犯。所有隨帶妻子。部文內止稱將本犯賞給兵丁為奴。並無一併為奴字樣。是以未將伊等妻子辦理為奴。俱聽另居度日。現在伊等妻子。並無管束養育之人。不但易致為匪。即伊等之夫。牽連室家。於各該主家。亦不能安心服役。請將現在發到。並嗣後有原主將妻。

子一併送部發遣者。俱給兵丁為奴。嚴加管束。不致滋生事端等語。所奏是此項發遣旗人家奴。俱係不肖匪徒。既經發遣賞給兵丁為奴。其妻子若無人管束。聽其另居。於理不合。該部不過拘泥僉遺與不僉遺之條耳。著照富僧阿所奏。除將現在發到為奴之妻子。一併給予原賞之人為奴外。嗣後旗人發遣家奴。如有同妻子一併送部發遣者。俱著一體賞給兵丁為奴。著為令。○又

諭。嗣後武職一品大臣。文職二品以上大臣。獲罪發往伊犁葉爾羌等處效力自贖者。三年屆滿不必具奏。

其武職二品以下文職三品以下人員三年期滿之時仍照例請旨○三十一年

諭向來發遣新疆各犯。有在遣所及中途脫逃者。拏獲之日。即於該處正法。其已經問擬尚未起解之犯。在途脫逃。向未立有明條。茲據浙江巡撫熊學鵬奏嘉善縣問擬發遣烏魯木齊人犯陳阿祥。在監乘閒逃竄。情節可惡。已傳諭該撫即照遣所脫逃之例辦理矣。此等人犯。本係身獲重罪。發遣以貸其死。一經免脫。已應速正刑章。而問遣候解之犯。情罪即與彼無異。乃當身繫囹圄。輒敢藐法潛逃。是較之在遣所脫

逃者。又多一越獄之罪。豈復可稍稽憲典。且已至新疆及解在中途者。雖欲逃回本籍。而道路遼隔。勢尚難於遠遁。若羈囚候遣之時。未離鄉土。該犯等私圖竄逃回家。事尤便易。從前外省遇有此等案件。率援軍流脫逃舊例。照常科罪。法輕易犯。轉致兇狡之徒。無所畏忌。倅逃法網。此而不嚴行懲創。何以使若輩知所儆懼乎。嗣後各省如有此等逃犯。俱照新定浙江省之例辦理。著於各督撫奏事之便傳諭知之。○又議准。發遣烏魯木齊人犯有家屬者。查係原犯死罪減等發遣者。定限五年。原犯軍流改發及

種地當差者定限三年。如果並無過犯編入民冊。將伊等安插於昌邑河東現有之舊堡。指給地畝耕種。此內除原有馬匹農具者。仍交伊等需用外。若從前並未領得。或領過而年久殘缺者。亦照奏准數目補行給予。至造房銀兩及口糧籽種等項。俱照移居民人減半給予。其借給之項。與民人一體分年交回。令於種地次年納糧。其額數亦與民人一體。每畝八升。若三年五年限滿不悛改者。即停入民冊。或編冊後復行犯法者。不得與良民一體從輕辦理。視其所犯

應正法者即行正法。應重懲者即行重懲。至添設衛所需用官員。彼處現有道員同知通判及提標綠營員弁。即令揀選千把總一員專管。令同知通判兼轄。道員總轄。俟人數漸增。必須添官管轄之時。再行酌量辦理。○又議准發遣新疆人犯。俱屬情罪重大。其中遇有別故。地方官自應即速備文關會。以憑查覈。嗣後各省凡有發遣新疆人犯。中途遇有患病留養及病故等項事故。即令沿途該地方官另補印文。隨犯申解。陝甘總督衙門以憑查覈。並於護牌內寫明。

事故鈐印。以杜沿途抽匿遺失等弊。○又議准
發遣新疆人犯。沿途遞解。理宜慎重嚴密。若每
站更換刑具。易啟沿途州縣互相推諉之弊。且
恐刑具不全。致滋疏脫。應令各省起首發解州
縣。將鍊鎖鐺鎗製備完全堅固。嚴加扭鎖。註明
長行刑具。沿途並不更換字樣。如有長途輾轉。
稍有缺損之處。即令接替之州縣隨時抽換。毋
得推諉。○光緒十三年奏准。新疆軍務平靖。邪
教會匪各犯。強令歸農。無裨屯政。所有應發回
城為奴遣犯內。一切左道異端煽惑人民為從

者傳習白陽白蓮八卦等邪教案內為從。年未逾六十及年逾六十而有傳徒情事者。造讖緯妖書妖言傳用惑人不及衆者。用藥迷人。甫經學習雖已合藥即行敗露或被迷人知覺未受累者。各項教會名目並無傳習呪語。但供有飄高老祖及拜師授徒者。用藥迷人已經得財其餘為從者。老瓜賊內傳授技藝跟隨學習之人未同行者。用藥及一切邪術迷拐幼小子女為從者等八條。均仿照免死強盜章程。自定案時起監禁二十年。限滿後改發極邊煙瘴充軍。以

足四千里為限。到配鎖帶鐵杆石礮二年。其從前此等監禁並比照定擬各犯。查明已及二十年者。即照現定章程改發。俟新疆地方大定。能以安插此項犯人。再行規復舊制。